



Publicaziuns dalla vischnaunca, jamna 8

Damondas da baghegiar

Nr. 2011-1006/02

Datum da publicaziun: ils 24 da fevrer 2012

Il patrun: Paolo Camponovo, Via Serenella 31, 6976 Castagnola

Il representant: Paolo Camponovo, Via Serenella 31, 6976 Castagnola

Object: Midada dil project dalla surbaghegiada, construcziun d'ina casa da duas habitaziuns, parcella nr. 3640, Via Plauncas 4, 7180 Disentis/Mustér

Nr. 2012-1005

Datum da publicaziun: ils 24 da fevrer 2012

Il patrun: Pendicularas Mustér SA, Via Acletta 2, 7180 Disentis/Mustér

Il representant: Pendicularas Mustér SA, Via Acletta 2, 7180 Disentis/Mustér

Object: Modificaziun da terren, cuntinuaziun tenor pareri ecologic, parcella 2541, Caischavedra, 7186 Segnas

Il plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 20-2-2012

Uffeci da baghegiar Disentis/Mustér

Nr. 2012-1006: Procedura d'approbaziun per installaziuns a current ferm **Exposiziun publica dils plans**

Datum da publicaziun: Ils 27 da fevrer 2012

Il patrun: Repower Ilanz AG, Via dil Glogn 22, 7130 Ilanz/Glion

Il representant: Inspecturat federal da tensiun aulta, Luppmenstrasse 1, 8320 Fehraltorf

Objects: Nr. da project S-157378.1 Staziun da transformaziun 838, Disentis/Mustér (Pignola), Nr. da project L-219150.1, Cabel naven dil mast da betun Nr. 15 dalla lingia da tensiun L-154255 tier la staziun da transformaziun 838 Disentis/Mustér (Pignola)

Il documents da publicaziun ein exponi naven dils 27 da fevrer entochen ils 27 da mars 2012 en casa communal a Mustér (local nr. 10) mintgamai durent las uras da spurtegl. La publicaziun succeda el senn dils art. 42–44 dalla lescha d'expropriaziun (EntG; SR 711).

Interessents el senn dallas prescripziuns dalla lescha davart proceduras administrativas (SR 172.021) ni dalla lescha d'expropriaziun san inoltrar protestas enteifer il temps dalla publicaziun officiala. Las protestas ein d'inoltrar agl inspecturat da tensiun aulta (Planvorlagen), Luppmenstrasse 1, 8320 Fehraltorf.

Tgi ch'inoltrescha negina protesta ei excluda dallas proceduras suandontas. Pretensiuns en connex cul dretg d'expropriaziun sco era pretensiuns davart indemnizaziuns financialas ni materialas ston vegnir fatgas valer enteifer il temps dalla publicaziun officiala. Protestas ni pretensiuns posteriuras el senn dils art. 39 - 41 dalla lescha d'expropriaziun ein medemamein da drizzar agl inspecturat da tensiun aulta.

Inspecturat da tensiun aulta

Planvorlagen, Luppmenstrasse 1, 8320 Fehraltorf

Disentis/Mustér, ils 21-2-2012

Uffeci d'energia e traffic dil Grischun

Provediment d'energia



In decidiu na alla iniziativa Weber

«Per metter ina fin alla construcziun excessiva da habitaziuns secundaras»

Quella iniziativa, sur dalla quala nus votein ils 11 da mars, scumandass alla gronda part dallas vischnauncas grischunas d'ereger el futur habitaziuns da vacanzas. La vischnaunca da Mustér füss medemamein pertuccada da quella bloccada totala. In tal scamond havess consequenzas fatalas per nossa economia e per nossas plazzas da lavur. Quei dictat radical da Berna ei malruschaneivels e buca necessaris.

La Confederaziun ed il cantun Grischun han gia priu rigurusas mesiras per frenar la construcziun da «letgs freids», quei cun disposiziuns sil sector dalla planisaziun territoriala. Per Mustér e Tujetsch munta quei, che nus astgein el futur ereger ensemen mo da quei da 7 habitaziuns secundaras per onn.

Las autoritads communalas preparan dapresent mesiras adattas per restrenscher tuttas exageraziuns e per garantir in raschuneivel svilup ed in prospereivel avegnir da nies turissem. Nus duvrein perquei buca in scamond radical, sco quei che l'iniziativa Weber pretenda. Quella renviein nus cun tutta detschartadad. Perencunter recamonda il cussegl da vischnaunca, en concordanza cun la supratonza communal, a vischins e vischinas d'approbar las duas fatschentas communalas.

La meglieraziun funsila survescha al beinstar dil puresser, denton era all'entira populaziun. Cun quei instrument savein nus oravontut finanzia la vasta reit da vias en nos vischinadis, anflar ina buna coordinaziun denter vias funsilas e forestalas e survir al turissem. Ella votaziun dils 11 da mars se-tracta ei sulettamein d'ina decisiun da principi, numnadamein sch'ins vul instradar ina meglieraziun funsila. La damonda da credit suonda pli tard.

Cun la revisiun parziala dalla planisaziun locala savein nus far las remeduras pretendidas dalla Regenza e risguardar entgins giavischs da vischins e vischinas. Plinavon ei quella revisiun necessaria per saver surbaghegiar la gronda parcella a Caschuarz, che la vischnaunca ha cumprau e ch'ei destinada per ils indigens. Ultra da quei savein nus sustener las stentas per dar nova tempra al hotel «Disentiserhof» e quei senza stuer impunder daners da taglia.

Cussegl da vischnaunca Mustér
la presidenta: Rita Huonder-Tenner
il vicepresidente: Flavio Murer

Votaziuns federalas, cantunalas e communalas

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 9 da mars 2012 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser **sil pli tard la sonda, ils 10 da mars 2012 allas 12.00** tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

Suprastonza communal Disentis/Mustér



Post d'integraziun – Ura d'audiencia

Il mandatari d'integraziun dalla vischnaunca da Mustér, Francis Etique stat **mintga gievgia naven dallas 17.00–18.00** a disposiziun en casa communal, stanza 24 (2. alzada) per tuttas damondas che pertuccan l'integraziun. Nezegei l'ura d'audiencia e fagei era attents persunas directamein pertucadas da quella purschida.

Administraziun communal Disentis/Mustér

Pro Senectute

Cuors trenament dalla memoria a Mustér

In viadi d'exploraziun tras il tgau – trenar il tschurvi a moda raschuneivla. Scuvri Vossas capacitads spirtalas grazia ad in trenament dalla memoria. Il tschurvi sesvilupescha e semida duront l'entira veta. Ins sa pia emprender novas caussas tochen en in'aulta vegliadetgna. Senza sforz e cun humor intervegnis Vus co Vus saveis mantener il sp.rt activs e movibels. Cun agid d'ina recepziun pli cunscienta e d'ina strategia da management raschuneivla emprendis Vus cun temas interessants co nezzegiar pli efficientamein Vossas capacitads e co applicar quellas metodos el mintgadi.

Liug: vegn aunc communicau

Datums: 4x la mesjamna, naven dils 8 da mars 2012

Temps: 13.30–15.45

Menadra dil cuors: Monika Berther-Sommer, trenadra dalla memoria certificada SVGT

Annunzias ed informaziuns **tochen ils 27 da fevrer** tier la Pro Senectute Grischun, Alexanderstrasse 2, 7000 Cuera, tel. 0844 850 844 (tariffa locala).

Il vast program dallas differentas purschidas da cuors e formaziun dalla Pro Senectute per persunas pesiunadas san ins retrer tiel post regional dalla Pro Senectute Surselva a Glion sut la numera da telefon 081 925 43 26.

Apparats d'udida

Gliendisdis, ils 27 da fevrer 2012 saveis Vus schar schubergiar e regular Vies apparat d'udida en Casa da tgira Sursassiala a Mustér e Curaglia:

**a Mustér naven dallas 14.00 tochen ca. las 15.15,
a Curaglia naven dallas 15.30 tochen ca. las 16.30.**

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit Casa da tgira Sursassiala

Uniun da dunnas: Oraziun mundiala

Dumengia, ils 4 da mars 2012 festivein nus il di dall'oraziun mundiala. Nus envidein in e scadin a quella devoziun che ha liug el center Aua Viva allas 17.00.

Sin ina biala devoziun cun Vus ensemen selegra
la suprastonza



Uniun samaritana Mustér
Cuors agid d'urgenza

L' Uniun samaritana Mustér organisescha in cuors agid d'urgenza tenor las directivas SSB.

Datum: 24-2/27-2/2-3/5-3/9-3-2012 mintgamai dallas 16.30–18.30

Liug: casa da scola, Mustér

Annunzias: ein da far entochen ils 24 da fevrer 2012

tier: Yvonne Flepp, tel. 081 947 50 35

e-mail: yvonne.flepp@kns.ch

Secziun da catschadurs Péz Alpetta Mustér
Radunonza generala

Venderdis, ils 2 da mars 2012 allas 20.15 el hotel «Sax».

Tractandas:

1. Beinvegni ed appel
2. Elecziun da dus dumbravuschs
3. Approbaziun dalla gliesta da tractandas
4. Prelecziun ed approbaziun dil protocol
5. Rapport dil president, actuar e cau da material
6. Rendaquen dil cassier (incl. Menaschi center da tir a Sars sut), rapport dils revisurs ed approbaziun dil quen annual
7. Fixaziun dil regulativ da taxas e da contribuziuns
8. Elecziuns da commembers da suprastonza ed ulteriurs funcziunaris (president, cassier, cau da tgira, caus starlieras, 1 revisur, webmaster)
9. Elecziuns dils delegai allas radunonzas regionalas e cantunalas
10. Rapport dallas cumissiuns
11. Orientaziun ed approbaziun dil program da lavur
12. Honoraziuns
13. Recepziun da commembers novs ed abdicaziuns
14. Varia

Cordialmein envida la suprastonza

SVKT turnier da bal da reit (Netzboll)

Center da sport e cultura Disentis/Mustér

Sonda, ils 3 da mars 2012 naven dallas 14.00 entochen mesanotg.
Rangaziun ca. allas 23.15.

Ustria per fans, aspectaturs e giugaduras.

Ei dat spaghettis cun diversas sosas e bunas pettas fatgas dallas dunnas.

Sin Vossa viseta selegra
Uniun da gimnastica da dunnas UGDM Mustér

Preavis

Ils 27 e 28 d'october 2012

Campionadi svizzer da bal da reit a Mustér.



Club da tennis Mustér
Invit alla radunonza generala

Sonda, ils 3 da mars 2012 allas 18.00
ella caffetteria dil center da sport e cultura Mustér.

Gliesta da tractandas:

1. Beinvegni
2. Elecziun da dumbravuschs
3. Protocol dalla radunonza generala dils 5 da fevver 2011
4. Rapports:
 - president
 - interclub
 - meinaturnier
 - juniors
5. Quen 2011 e rapport dils revisurs
6. Contribuziuns annualas
7. Budget 2012
8. Entradas/extradas
9. Elecziuns:
 - vice-president
 - cassier
 - cau da juniors
 - meinaturnier
 - 1 revisur(a) da quen
10. Program da stad
11. Varia

Suenter radunonza generala organischescha il club ina spaghetata e la halla da tennis ei reservada per tut quels che vulan aunc dar in tec tennis. (Tscheina vegn pagada dil club – bubrondas sto mintgin pagar sez.) Per la spaghetata ed il tennis druvein nus Ti'annunzia **entochen venderdis, ils 24 da fevver 2012.**

Annunzias pren bugen encunter: Florian Zanin (079 673 11 80 ni florian.zanin@sunrise.ch).

Tier damondas stundel bugen a Tia disposiziun.
Cordials salids Florian

Uniun da dunnas
Invit alla radunonza generala

Mardis, ils 6 da mars 2012 allas 19.30
ell'ustria «Crana», Mustér.

Tractandas:

- Salid e beinvegni
1. Elecziun da dumbravuschs
 2. Approbaziun dil protocol dils 15-3-2011
 3. a) Rapport annual
 - b) Rapport dalla sut-gruppa mummas cun affons pigns
 4. Rendaquen, rapport dallas revisuras ed approbaziun
 5. a) Program annual
 - b) Program annual sut-gruppa mummas cun affons pigns
 6. Fixar la contribuziun annuala
 7. Elecziuns
 8. Varia

Sco usitau vegn purschiu ina pintga tscheina. Naven dallas 19.00 sa vegnir priu investa dil protocol dalla davosa radunonza generala.



Selegrond a stedia participaziun salida cordialmein en num dalla suprastonza
la presidenta: Fabiana Candinas

Preavis fiera da resti d'affons a Mustér

Venderdis, ils 16 da mars 2012 dallas 19.00–21.00
Sonda, ils 17 da mars 2012 dallas 9.00–10.30

Ulteriuras informaziuns suondan.

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.

Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér